



## **DEMOKRATSKA FRONTA**

Klub zastupnika Demokratske fronte u Skupštini Kantona Sarajevo

Zastupnik: Senad Hasanović

Broj: 16/19

U Sarajevu, 26.03.2019. godine

**BOSNA I HERCEGOVINA**

**FEDERACIJA BOSNA I HERCEGOVINA**

**KANTON SARAJEVO**

**SKUPŠTINA KANTONA SARAJEVO**

**VLADA KANTONA SARAJEVO**

**MINISTARSTVO ZDRAVSTVA KANTONA SARAJEVO**

**MINISTARSTVO ZA RAD, SOCIJALNU POLITIKU, RASELJENA LICA I IZBJEGLICE**

**KANTONA SARAJEVO**

### **PREDMET: ZASTUPNIČKA INICIJATIVA**

Poštovani,

na osnovu članova 106. i 213. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12) prema Skupštini Kantona Sarajevo:

Pokrećem inicijativu da Vlada Kantona Sarajevo, sa posebnom uključenošću Ministarstva zdravstva Kantona Sarajevo i Ministarstva za rad, socijalnu politiku, raseljena lica i izbjeglice Kantona Sarajevo u saradnji sa nadležnim institucijama osnuju Fond za novorođenčad. Iz sredstava ovog Fonda bi se za sve buduće majke u Kantonu Sarajevo obezbijedili paketi koji sadrže odjeću za novorođenčad i ostale neophodne predmete, kao što su pelene, tkanina, peškiri, proizvodi za njegu beba i drugi predmeti potrebni za prvih mjesec dana života djeteta. Za funkcionisanje ovog Fonda potrebno je tek oko 600.000 KM na godišnjem nivou, dok se njegovim postojanjem na sistemski način pruža izuzetno značajna podrška i osjećaj sigurnosti roditeljima, kao i poboljšanje zdravlja novorođenih beba ali i majki.

### **OBRAZLOŽENJE:**

Bosna i Hercegovina se suočava sa rastućim problemom depopulacije koji prijete stabilnosti svih drugih ekonomsko-političkih aktivnosti. Demografski procesi koji čine suštinu ovog problema su dugotrajni negativni prirodni priraštaj sa tendencijom progresivnog rasta i rastući broj mladih i obrazovanih koji odlučuju napustiti BiH. Ovaj problem je očit i u Kantonu Sarajevo, obzirom da postoji neznatna stopa rasta stanovništva, gdje su broj rođenih i broj umrlih skoro izjednačeni.

U posljednjih 5 godina prosječan broj novorođene djece u Kantonu Sarajevo iznosi 4595 novorođenih (naspram 4340 umrlih), a predviđeni troškovi nabavke paketa bi se kretali između

DEMOKRATSKA FRONTA, Kantonalni odbor DF BH Kanton Sarajevo, Saliha Udžvarlića 10/1; 71000

Sarajevo, Bosna i Hercegovina; Tel. + 387 33 200-222;

Generalni sekretarijat: Saliha Udžvarlića 10/111; Tel. +387 33 711-600; 711-400; Fax. +387 33 711-620

[www.fronta.ba](http://www.fronta.ba)



100 i 120 konvertibilnih maraka u maloprodaji u slučaju kupovine u setovima, dok realna nabavna cijena može biti samo niža jer se sistemom javnih nabavki može ostvariti značajan količinski popust (ekonomija razmjera).

Paket bi okvirno sadržavao sljedeće artikle:

**Pelene:**

pelene za jednokratnu upotrebu - veliki paket (50+/1), najmanja veličina pelena  
pakovanje pamučnih pelena (tetra pelene)

**Odjeća za bebu za prvih mjesec dana:**

bodi benkice (optimalno zakopčavanje na preklop)

bebi gegice

bebi pidžama

vreća za spavanje

pamučne kapice

topla vunena kapica (za djecu rođenu zimi) ili pamučni šeširić (za djecu rođenu ljeti)

čarapice

zimsko odijelo (za bebe rođene zimi)

bebi rukavice

siperak

peškir za kupanje sa kapuljačom

dekica za novorođenčad

**Pribor za njegu:**

sterilne komprese za pupak

sprej za dezinfekciju

štipci za uši sa zaštitom

vlažne maramice

makazice sa tupim vrhom

četka za kosu i češljic

krema ili mast za njegu kože novorođenčadi

bebi ulje

bebi sapun

**Ostalo:**

Cucla za novorođenčad

Flašica (120 ml)

Adaptirano mlijeko

Toplomjer

Termometar za vodu i temperaturu sobe

Prva igračka

Uputstvo za njegu i brigu o novorođenčadi



### **Pribor za porođilju:**

Mrežasti ulošci

Sterilne gaze za njegu dojke

Krema ili mast za bradavice

Izbor proizvoda uključenih u paket bi se revidirao svake godine. Uključeni proizvodi bi se birali u postupku otvorenog javnog poziva koji se sprovodi u skladu sa Zakonom o javnim nabavkama.

Nakon prvog kruga nabavki, tenderi bi se trebali sprovoditi jednom godišnje, nešto više od šest mjeseci pre nego što se počne sa raspodjelom porođiljskog paketa. Tako bi, za primjer, licitiranje za verziju paketa 2021 počelo na ljeto 2020. godine.

Prijedlog uključuje i formiranje savjetodavnog vijeća koje bi se sastojalo od predstavnika Ministarstva zdravstva Kantona Sarajevo i Ministarstva za rad, socijalnu politiku, raseljena lica i izbjeglice Kantona Sarajevo, te eventualno institucija za nadzor nad tržištem i zaštitu potrošača, udruženja roditelja, medicinskih stručnjaka-pedijatar i drugih relevantnih stručnjaka. Na osnovu procjene ponuđenih proizvoda, Vijeće predlaže koje proizvode treba uključiti u porođiljski paket. Evaluacija uključuje, na primjer, pranje proizvoda, njihovo testiranje u praksi te procjenu sigurnosti proizvoda.

Najinventivnija stvar kada je riječ o porođiljskom/majčinskom paketu je da bi pravo na ovaj paket bilo povezano sa porođiljskim sistemom, i samim time od izuzetne važnosti za javno zdravstvo. Da bi dobile porođiljski paket, buduće majke će morati da imaju redovne preglede u sistemu primarne zdravstvene zaštite još od rane faze trudnoće, što će imati značajan uticaj na poboljšanje zdravlja kako majki, tako i beba. Kako bi se mogla kvalifikovati za porođiljski paket, trudnica mora proći ljekarski tj. ginekološki pregled prije početka 5. mjeseca trudnoće i zatražiti porođiljski paket najkasnije mjesec dana prije očekivanog datuma poroda.

Našu djecu trebamo gledati kao vrijedan resurs i snagu za rješenje trenutačne situacije i bolju budućnost, a ne kao problem koji zahtijeva rješenje. Pored razrade ekonomskih i socijalnih učinaka ove inicijative, potrebno je spomenuti humani i moralni aspekt iste, obzirom da se na ovaj način pokazuje socijalna osjetljivost u svojoj izvornoj formi.

Uzevši u obzir sve gore navedeno, smatram da ova inicijativa ima svrhu i opravdanost.

Zastupnik u Skupštini Kantona Sarajevo  
Senad Hasanović

DEMOKRATSKA FRONTA, Kantonalni odbor DF BH Kanton Sarajevo, Saliha Udžvarlića 10/1; 71000

Sarajevo, Bosna i Hercegovina; Tel. + 387 33 200-222;

Generalni sekretarijat: Saliha Udžvarlića 10/111; Tel. +387 33 711-600; 711-400; Fax. +387 33 711-620

[www.fronta.ba](http://www.fronta.ba)